

嘉慶廬州府志

廬州府志卷四十四

賜進士出身廬州府知府溫陵張祥雲主修

列女 完節三

生員謝永佑妻鄭氏舒城人少寡守節卒年七十一

范必瀛妻韋氏舒城人年二十七夫歿子元正甫四歲明末
流寇亂氏攜孤流離播遷截髮苦守邑令錫額獎之卒年

八十七

儒童祝應麒妻吳氏舒城人夫故氏年十九以白練自經姑
覺而解復引刃自刎幼女抱持姑哀諭之氏忍死孝養病
姑侯氏卒事繼姑尤謹家貧緝繢撫側室子迄成立

廩生郭萬春繼室樊氏舒城人事舅姑孝年二十九夫亡撫

五歲孤士瑛乙卯舉於鄉教前妻張氏子士瑋爲諸生側室劉氏遺腹子士璉氏愛之如一素知書凡節孝忠義事輒書之窗櫺牆壁爲子孫訓導八十終

孔衍統妻楊氏舒城人秉性淑慎夫亡氏年二十二矢志靡他事婦姑育幼子孝慈兼盡以節終

監生吳元憲妻張氏舒城人元憲前妻生子繼歟續娶張生繼宗之璜俱幼元憲卒氏躬紡績以課讀愛之如一

吳懋學妻祝氏舒城人家貧讀書無膏火氏紡績以助夫歿氏年二十一僅生一女撫之嫁苦節三十三年卒

陶斯怡妻趙氏舒城人事舅姑盡孝二十三夫死遺孤之聖之彥皆稚氏備極劬勞二子皆入泮氏年三十三卒斯

怡弟斯山妻潘氏斯愉妻盧氏皆能苦節撫孤婦如之間
齊勞竝潔云

黃承緒舒城人妻徐氏維揚人前寇變流寓徽州氏年十七
適承緒生子三歲夫故氏罄奩中物挈孤扶櫬歸殯桃谿
孤又天以姪華爲嗣教之成立入邑庠年六十三卒

方某妻程氏舒城人年十八而寡撫子承乾成立娶潘氏承
乾復早死遺三孤潘斷一指誓與同守食貧作苦事姑存
歿皆盡禮程年八十潘年八十九

庠生朱藝之妻汪氏舒城人夫亡氏年二十六生遺腹子矢
節不易紡績度日清操凜然

朱子鴻妻潘氏舒城人氏年二十夫亡遺孤鎬方七月氏撫

之勤十指度日苦節四十餘年

胡一元妻郭氏舒城人年十八適胡歲餘夫歿遺孤俊臣甫一月氏堅志撫之成立冰操凜冽年逾七旬卒

胡珍妻朱氏舒城人年十七適珍二載而珍歿氏以姪鳴爲子緝績延師課之入泮邑令張獎曰松筠高節壽七十餘張維倫妻胡氏舒城人夫卒矢志撫孤年七十郡守杜獎以天眷懿德邑令朱獎以節壽流芳

生員夏尙忠母蔣氏舒城人年三十夫亡引刀自刎以救免孝事舅姑教育孤子成立年逾六十冰操自守

守備周孔穀舒城人妻趙氏楚沅人父宦滇南適孔穀未久而寡氏泣曰吾夫舒人也有母在二十載不渡歸養今不

歸不益泉下痛耶或以道遠阻之不可挈子扶櫬歷五千餘里南還撫卹重其節兼錄孔毅平峒功給勘合抵家後奉姑育子孝慈兼盡

處士鮑炳妻朱氏舒城人孝事翁姑年二十八而寡遺三歲孤文龍守節課子經兵燹備歷艱苦後文龍娶郭氏稱孝婦人以爲苦節之報壽八十四學憲張獎曰詔隆節壽

全世章妻林氏舒城人年二十九夫故三子俱幼當明流寇之變備歷艱辛撫孤成立邑令張獎曰節壽清標年八十

二

儒童闕昌期妻楊氏舒城人庠生士傑母夫歿士傑甫七歲氏年二十五矢志撫孤苦節三十餘年

儒童郭維鼎妻宋氏舒城人夫故氏年十九生二子尙質三歲尙禮甫數月甘貧守節撫兩孤成立邑令董獎曰鴈義
鶴年臬憲王獎曰節壽雙輝

生員宋集妻吳氏舒城人家極貧紡績養翁姑俱夫膏火不
缺姑郭氏疾篤氏禱神願身代夫歿以公姑未葬忍死歷
冰雪五十餘年

楊枝美妻陸氏舒城人夫亡年二十守節教子有方子又早
死氏同婦高氏撫幼孫成立一門雙節姑年七十卒

朱元義妻徐氏舒城人夫死氏年二十三子甫週歲氏撫之
教以義方苦節五十三年邑令王旌以孤松永秀

廩生張翼妻章氏舒城人夫故子克紹未週歲氏年二十四

矢志撫孤事孀姑以孝聞

廩生李正昇妻毛氏舒城人夫亡甘貧自守撫孤紹泌成立
遊泮氏年六十二

監生徐文麟妻謝氏舒城人文麟歿氏撫孤守節四十年金
石不易

王有宣妻張氏舒城人夫歿氏年二十五遺孤未週歲困苦
艱辛守節三十五年年六十餘卒

儒童王尙智妻胡氏舒城人年十九夫故家徒壁立撫孤
依母家苦守三十五年

儒童胡策勳妻王氏舒城人夫有惡疾氏朝夕侍奉湯藥久
而不倦夫歿終身茹素苦節至五十一歲而卒

馬升之妻毛氏舒城人夫歿紡績自活雖飢寒志不少移歷五十五年

李揚之妻王氏舒城人生子四少孤氏教有義方年八十四邑令張獎曰鶴紀冰操

王國昌妻李氏舒城人家貧躬紡績佐夫奉舅姑甘旨不缺夫故備歷艱難養生送死苦節四十餘年壽逾七十

庠生黃元亨妻胡氏舒城人年二十一夫亡事姑盡孝訓子有義方三十餘年以壽終

黃又湘妻祝氏舒城人適又湘七年又湘歿氏家無立錫依節母張氏苦守不二時稱雙節

汪溥妻祝氏舒城人年二十五溥歿遺五子俱幼氏撫子德

成稍長沈腆養親承顏順志延師教諸弟婚娶及時次子升食博士領孫文華拔貢一門雍睦皆母節所致也

潘君贊妻萬氏舒城人少寡家道艱辛氏勤儉拮据子孫林立人以爲善節之報

石鎮泰妻彭氏舒城人夫亡遺孤彌月氏守志不移孝養公姑撫育幼子三十年如一日

任爲麟妻陳氏舒城人年二十一家貧嫁時姑陶氏已歿祖姑尙在未幾祖姑及翁與夫俱死挈二孤就弟汝楷以居寒機霜杵閱五十年

汪朝妻郭氏舒城人年十七歸朝二載朝溺死遺腹生願保跋一足又病瘰癧後生一孫願保又歿紡績自給日一粥

無怨色邑令周以一貞延齡旌之壽六十卒

朱永德妻徐氏舒城人夫歿氏年二十遺二孤國光國璽俱幼矢志苦節歷兵燹飢疫冰蘖自甘訓子以義方壽八十

五

李冲元妻汪氏舒城人適冲元生二子而寡年十九家貧子幼艱苦備嘗閱四十餘年鄰婦未嘗見其露齒

文學張煜妻李氏舒城人年十七歸張夫卒年少矢志守節撫幼穉成立營葬祖翁姑及夫備歷艱苦

生員陳昌言父妾索氏舒城人昌言父歿氏撫二幼女誓不嫁飲冰澌纒年八十餘

閔玉恆妻蔡氏舒城人善事舅姑夫死氏年二十遺孤世隆

氏延師教之入泮家極貧氏安之若素壽八十五

張應安妻汪氏舒城人事姑最孝夫與子俱亡氏年二十四
紡績養公姑苦節數十年壽八十三

胡草臣妻姚氏舒城人草臣歿氏年二十九生四子俱殤僅
一女孫茹荼集蓼歷數十年

徐汝璫妻黃氏舒城人生員元章女年十九歸徐甫六月而
夫亡矢志不二孝事孀姑冰操凜凜

生員任覺世妻姚氏舒城人覺世兄病覺世爲疏請代覺世
死兄亦旋歿姚與姆龍氏苦志守節和好無間稱雙貞云
孔衍聘妻郭氏舒城人行聘卒子繼殤氏矢志靡他育孫毓
璠長食餼膺選拔氏年八十終

郭安公妻汪氏舒城人宣公死氏年二十二遺三歲孤氏甘貧苦節六十六歲卒

梅天祥妻賈氏舒城人孝事舅姑夫歿氏苦節守孤男女內外數十口無閒言

賈世燦妻孫氏舒城人年二十九夫歿撫藐孤克讓甫九齡茹冰齧雪歷盡艱辛延師課子成立壽九十終孫琳入邑庠有文譽

金三甫妻孔氏舒城人夫歿氏年二十遺孤麟甫一歲堂有二姑後麟復天氏矢志不移孝事二姑生養死葬皆盡禮鄭永正妻張氏舒城人夫歿氏年二十三遺兩子遇銓遇錄俱幼氏教之皆成立

生員薛鳴鳳妻洪氏舒城人夫歿無子撫姪爲嗣苦節終身
邑令沈獎曰松柏同堅

吉善長妻趙氏舒城人夫亡氏引刀自刎公姑勸諭乃止終
身孝養無缺撫兩子成立學博卞獎曰苦節冰操

楊銡妻樊氏舒城人年二十而寡氏矢志奉舅姑撫孤子成
立閱五十餘年

生員徐紱麟妻王氏舒城人孝事舅姑年二十六夫歿課遺
孤進以文行進爲諸生孫嘉會亦遊泮鄰里飢寒時出粟
賑之

張文藻妻黃氏舒城人年十六歸藻甫五月而孀氏矢志冰
霜孝事舅姑兩立嗣俱夭氏志益堅前邑令周以松貞自

古旌焉

邑庠生張僕妻周氏舒城人事孀姑盡孝夫病氏侍湯藥衣不解帶夫歿氏年廿二撫二歲遺孤方成立中殤矢志堅貞苦節四十九年

生員金式呂妻賈氏舒城人年二十七夫死氏矢志不二雍正五年請旌

邑增生方穀妻金氏舒城人穀故氏年二十三止一女依節母孔氏苦守女適儒童賈邦爵亦少寡以節稱

邑庠生侯世珍妻樊氏舒城人事姑以孝聞世珍歿氏年二十三撫三歲孤職成立教以義方灌園自給學憲獎曰槩味松齡年七十三

監生張大美妻任氏舒城人大美死氏年二十七立子延夫
視不能自給依母家艱難憔悴年五十七卒

儒童賈明妻程氏舒城人明歿氏年二十八遺二子三女俱
幼逾三年幼子復殤苦節奉姑極盡孝養年六十一卒

庠生徐元衡妻王氏舒城人元衡歿氏年二十四養姑教子
歷盡艱辛苦節四十二年

監生徐元英妻程氏舒城人元英卒氏年二十四事孀姑極
盡孝養姑病親湯藥衣不解帶者數月撫三歲子世基成
立苦節三十九年

太學生束凱側室陳氏舒城人生子應灼甫三歲凱歿氏誓
撫灼成立茹苦成家閱三十六年邑令張獎曰少節撫孤

年五十六卒

周夢蘭妻徐氏舒城人夢蘭故氏年二十七遺二子氏紡績自給苦節三十五年年六十有三

金子常妻錢氏舒城人子常故氏年二十八遺孤榮榮惟紡績自給苦節四十三年壽七十

例監生朱旂妻李氏舒城人旂歿氏年十九遺孤祖武甫八月氏上奉舅姑下育幼子辛苦備嘗學憲張旌曰冰霜節操旂弟英妻周氏亦年十九而寡奉養公姑教子成立苦節三十餘年學憲李嘉其與家婦同一苦志獎曰瑤池雙柏

儒童湯凝祥妻任氏舒城人年二十五夫歿氏矢志奉公姑

極盡孝養撫五歲孤成立苦節三十三年卒

生員許承溥妻葉氏舒城人年二十七夫歿氏將投繯以家人防之不果殉復絕粒公姑以衰老泣勸乃甘心苦節五十餘年如一日

方肇吉妻陳氏舒城人夫歿氏年二十二無子依姪銓織履績麻飢寒無怨苦節三十二年

周晏安妻潘氏舒城人年十八夫故氏誓守清操立姪延祀事翁姑克盡孝道艱苦二十一年

朱雨萊妻周氏舒城人年二十三夫歿截髮自矢甘心貧苦上事公姑下撫週歲子成立苦節五十三年

韋象德妻張氏舒城人年二十三夫歿上奉公姑下撫孤子

冰操自矢者三十二年

班起聖妻汪氏舒城人年二十四夫歿家貧女紅自給孝養翁姑撫孤成立冰操拮据歷三十年

沙犀青妻周氏舒城人年十五適犀青二載犀青歿氏年十九孝事孀姑晨昏不怠苦節十五年

楚修來妻張氏舒城人夫歿氏年二十三家無斗筲奉翁姑育穉子勤十指自給冰操三十年

張雲騰妻廖氏舒城人夫卒氏年二十三奉孀姑生養死葬如禮撫過歲子成立苦節三十年

戴伯遐妻黃氏舒城人年二十四夫亡氏矢志靡他孝翁姑撫孤子艱苦三十三年

武舉黃輝妻陳氏舒城人夫卒氏年二十八貫簪珥營葬撫
兩孤成立家貧常日一食窶苦四十餘年

謝希孔妻周氏舒城人年三十夫歿孝事孀姑喪葬盡禮撫
育幼子教養成立生三孫表楷功先後遊庠苦節四十餘
年

靳起鳳妻王氏舒城人夫死氏年二十上奉翁姑生養死葬
成禮下撫十月孤教之成立守節四十二年

儒童李樹聲妻朱氏舒城人夫以癲疾死氏苦志不二事公
始終養撫三孤皆成立冰霜三十年

庠生任榮世妻龍氏舒城人孝事孀姑夫歿氏年二十三矢
志不二撫三歲子如多成立教以詩書守節三十二年卒

毛義友妻奚氏舒城人年二十五夫歿氏撫週歲孤輝祖食
貧守志孝姑竭力閱三十八年

庠生方誌妻陳氏舒城人夫歿氏年二十四孝事公姑妾黃
氏生一子一女子復殤氏與黃共砥苦節三十三年不稍
易

儒童胡震遠妻汪氏舒城人年十八歸胡夫歿有富室素知
氏賢囑氏父母欲娶之氏截髮自誓與母絕孝事祖姑并
舅姑十餘載不懈年三十五以哀毀成疾卒

胡國銓妻朱氏舒城人年二十九夫歿氏孝奉公姑勤十指
自給延師課幼子琮璟琪皆成立苦志三十一載學憲李
獎曰書荻懿型

潘志鳳妻倪氏舒城人夫歿氏年二十三奉姑課子勤紡織以自給苦節五十餘年

潘繼六妻朱氏舒城人年二十夫故家徒壁立撫遺腹子望占以女紅易薪米茹苦四十餘年

湯祀先妻李氏舒城人夫卒無嗣氏喪葬如禮苦節三十年更捐田爲祠立碑保墓里人賢之

姚守誠妻任氏舒城人年二十八夫歿氏奉養老姑甘旨不使苦志三十五年

監生衛名世妻姜氏舒城人夫故氏年十八守節三十一載孔目李菁妻趙氏舒城人夫歿氏年二十三苦節三十五年李炳文妻祝氏舒城人夫故氏年二十三苦節三十一載

韓雲之妻張氏舒城人夫歿氏年二十七堅志守節歷艱辛三十六年

黃斗妻郭氏舒城人年十六歸斗斗素瘋疾氏事之敬慎數年無怨言斗死氏奉養公姑撫遺孤苦節五十載

儒童趙鼇妻任氏舒城人夫故氏年二十苦節四十年

儒童胡對揚妻李氏舒城人夫歿氏年二十冰霜自矢孝養公姑苦節三十餘年

生員姚克讓妻湯氏舒城人氏年二十八夫歿無子氏矢志不二苦節五十七年

沈鼇妻袁氏舒城人年二十一夫溺死子世德生方七日氏孝孀姑撫幼子年六十一終邑令旌其閭曰巾幗典型

查某妻任氏舒城人年十七歸查十九而夫歿孝公姑撫穉子後公姑歿子又夭瑩焉獨守五十四年節操最篤

馮世盛妻郭氏舒城人夫死氏年二十無嗣矢志不二備嘗荼苦閨外未聞其聲國子監學正徐旌以松齡筠節

監生石智宏妻祝氏舒城人夫死苦節孝事祖姑里中賢之子麟妻張氏事孀姑盡孝夫歿矢志不二人稱一門雙節翟應禹妻余氏舒城人少事姑以孝聞夫死氏年二十九柏舟自矢撫孤大鵬成立里人稱其賢

邑廩生徐權妻黃氏舒城人年二十餘權赴南閩卒於舟權妹歸郭宗一宗一死氏年亦二十餘家皆極貧勤十指度日年俱七十時謂姑嫂雙節

汪克叔妻曹氏舒城人克叔死氏苦志冰霜事翁姑以孝聞
教幼子有方

武舉朱維翰妻闕氏舒城人夫死守節年五十六終

盛子臣妻程氏舒城人夫歿矢志不二冰霜凜凜三十餘年
儒童陳志妻沈氏舒城人夫卒一子亦殤立姪繼嗣苦節五
十餘年

邑廩生束懋節妻胡氏舒城人夫早亡氏撫孤子遷苦志砥
節訓子成立孀姑方氏老疾氏侍湯藥衣不解帶者數年
儒童陳崑瞻妻束氏舒城人夫亡氏年二十一撫襁褓子範
泣血矢節上事孀姑盡孝教子成立族人稱之

邑庠生束三統妻陳氏舒城人夫早亡氏撫二子皆成立長

天祐敦篤樂善里人賢之次天培有聲郡庠

邑庠生王翼裴妻謝氏舒城人夫卒氏年二十矢志節雖內戚
不得見其面

邑庠生黃文俊妻刁氏舒城人年二十二夫歿遺孤永錫甫
五月氏上奉七旬孀姑下撫幼子勵志愈堅

徐應國妻金氏舒城人夫歿氏年二十六生一子承恆甫四
月矢志撫孤苦節終身

許儁之妻夏氏舒城人夫歿氏守節以十指餬口其娣朱氏
許右文妻也亦早寡兩孀相依邑令蔣給扁曰一門雙節
郭常策妻陳氏舒城人夫死氏年二十三守節家無立錐
郭孤先達先進依母家爲生年四十九卒

監生徐翔麟妻曾氏舒城人夫歿子仕忠亦死氏撫三歲孤孫先登至於成立司訓余旌之曰茹蘗餐桃仕忠妻王氏亦以節著學諭張旌之曰翠柏增榮

國學生湯道渾妻賈氏舒城人夫卒氏年二十八孝事孀姑撫子成立守節終身

監生傅子仁舒城人妻毛氏合肥人夫死氏年二十八守節撫孤貞操自矢

儒童王澤需妻朱氏舒城人夫故氏年十八苦節自矢者三十二年

儒童王成彪妻黃氏舒城人年十七夫卒遺孤之彌甫半月氏躬紡績以養公姑教子詩書篤志孝友稱賢母焉

儒童徐汝璧妻鮑氏舒城人年二十一夫故氏矢死靡他侍養孀姑克盡婦道苦守三十一載卒

朱韜士妻韋氏舒城人夫歿氏年二十一矢志守節年六十九卒

生員朱程妻黃氏舒城人程鄉試溺水死氏年二十六歲守節清操冰雪年六十八卒

廩生賈彤妻張氏舒城人夫歿遺二子一女氏事翁姑最孝謹後子邦冊亦早死其婦方氏撫孤矢節清操亦同

監生徐夢麟妻孫氏舒城人夫歿氏守節教五子皆成立後諸子又早死氏更與其諸婦撫孤孫成立少子鐸奉養稱孝人以爲苦節之報

太學生賈逢妻高氏舒城人年二十二夫歿守節事姑克盡婦道教子以文行稱

儒童謝志標妻劉氏舒城人夫歿氏年二十六矢志不二家酷貧能執婦道勤紡績以養舅姑撫孤子方授室復夭又撫孤孫作聖荼苦更甚守節四十二年

廩生王必任妻張氏舒城人夫歿氏年二十四無子苦節終身冰霜凜冽

監生張天隔妻韋氏舒城人年二十七夫亡苦節自守年六十二卒

張衡妻章氏舒城人年二十五夫歿氏斷髮誓守苦節三十一年

太學生鍾周妻朱氏舒城人夫歿氏年二十五守節撫孤成立人稱賢母

傅童任倬妻王氏舒城人夫死氏年二十一遺孤朝幹甫數月家無斗筲苦節十六年卒

朱叔友妻王氏舒城人夫死年二十一守節茹苦終身

武舉胡希保妻王氏舒城人夫卒氏年二十憂鬱懷怆數月而卒

賈又鎬妻程氏舒城人夫卒氏年二十二姑歿孝事衰翁後值大水鄰舍皆傾婦爲號泣屋竟不倒人謂節孝之報

盛煒妻呂氏舒城人夫死矢志冰霜五十餘年

柏漢三妻史氏舒城人漢三歿氏年二十二遺子宏岱甫二

月翁姑老諸叔幼家酷貧氏生養死葬如禮爲諸叔婚娶
課子以詩書守節四十五年

徐士勳妻王氏舒城人年十六適士勳次年夫歿遺孤甫數
月氏茹苦守節矢志不移

胡天縱妻張氏舒城人夫歿守節

儒童謝佶妻李氏舒城人夫亡氏年二十四守節

儒童李承旭妻胡氏舒城人年二十夫死遺兩孤家無立錫
甘貧守節鄉里稱其賢

朱斌妻方氏舒城人夫歿矢志守節教兩子斯煌斯章成立
兼撫幼孫教以詩禮冰操三十餘年

王煥章妻張氏舒城人煥歿氏年二十九守節家極貧茹苦

自甘

沈宏寵妻東氏舒城人夫死氏矢志靡他撫育遺孤成立

儒童黃榜妻王氏舒城人榜歿氏茹冰齧雪苦節二十年卒
生員高上進妻陳氏舒城人年二十六夫歿守節三十六載
陳士聰妻趙氏舒城人夫早死氏撫孤成立茹荼終身
汪志倨妻王氏舒城人夫早死氏撫諸孤皆成立

孫旭妻彭氏舒城人夫歿守節紡績自給二十餘年

王國泰妻顧氏舒城人家酷貧夫故氏年二十八遣一子氏
勤十指織履自給守節三十三年

徐亮文母陳氏舒城人少寡守志撫孤成立苦節三十年

儒童崔珣妻黃氏舒城人夫歿氏年二十二矢志不二歷三

十三年

劉思誠妻陸氏舒城人夫歿氏年十九守節撫孤邑令王以
霜肅廟輝旌之

處士鮑淵妻鄆氏舒城人夫故氏年十九守節艱辛萬狀歷
四十三年

前奉化丞秦均璧妻許氏舒城人少寡苦節教子鳳登第邑
令朱旌曰母儀一邦

生員王見龍妻李氏舒城人夫死明壬午之難氏年十八無
子依姪髮桂茹苦終老焉

生員沈璿妻王氏舒城人夫死氏年二十四撫孤元謀能讀
父書守節二十年卒

例監黃思恭妻程氏舒城人年二十七夫死守節四十餘年
王乃捷妻殷氏舒城人夫歿守節事翁姑純孝年三十一卒
石雲甫妻謝氏舒城人少寡守節歷五十年

庠生黃冕妻王氏舒城人夫歿守節教子義方時稱賢母
馮彩瞻妻王氏舒城人夫故守節終身

梅子芬妻袁氏舒城人夫歿事孀姑盡孝三十年如一日
生員俞乾育母汪氏舒城人夫歿守節孝事舅姑及後氏疾
革猶遺言不得先舅姑歸窆失子婦禮

周五有妻周氏舒城人夫歿矢志四十一年雍正五年請旌
李士鏞妻盧氏舒城人年二十四守節雍正五年請旌

生員張拱妻徐氏舒城人年二十二守節五十九年雍正六

鳳州府志卷四十四
年請旌

徐翼麟妻李氏舒城人年二十五守節雍正八年請旌

賈适妻王氏舒城人年二十四夫死守節雍正十一年請旌

其女適合肥蕭元秉蕭卒女餓死殉節皆氏之教也

生員陳其經妻曾氏舒城人夫溺死楚中氏年二十三堅志

苦節雍正七年請旌

潘天植妻任氏舒城人年十九夫歿守節雍正七年請旌

許仰妻韋氏舒城人年二十三守節雍正十二年請旌

周易妻史氏舒城人年十七夫歿守節雍正二年請旌

沈宏策妻王氏舒城人守節乾隆九年請旌

嵇三友妻毛氏舒城人年二十五守節四十年雍正十三年

請旌

生員洪元標妻盛氏舒城人年二十一夫卒守節四十八年

雍正十二年請旌

以上舒城志

陳岳秀妻蔡氏廬江人夫死苦節五十餘年雍正十年旌

生員邢儀妻朱氏廬江人十七歲夫死氏仰事俯育苦節四

十一年

貢生陳世琮妻徐氏廬江人年二十九而寡誓死守節卒年

五十一

呂顯先妻徐氏廬江人夫死氏年二十九矢死守節撫三子

皆成立年八十三

光祿署丞朱繼周妻蔡氏廬江人繼周死氏年二十二而寡

苦節自矢年五十七卒

廩生賈策妻馬氏廬江人歸賈四載而寡氏服練終身不改
孝奉翁姑教養幼子成立五十年如一日

廩生崔巍妻金氏廬江人流寇至巍以守城爲賊所殺氏年
二十九冰蘖自矢至八十餘

朱通妻徐氏廬江人事孀姑盡孝夫歿時氏年甫十九矢志
守節三十餘年

監生丁鼎第母黃氏廬江人夫病刲股以療卒不起遺孤甫
八月避亂湖濱茹荼課子守節四十餘年

柳晉妻徐氏廬江人年二十八夫歿撫遺孤甘貧守節三十
餘年

生員孔傳薪妻徐氏廬江人夫歿氏十九歲奉孀姑鞠子以紡績自給子受室又亡三世孤嫠苦節相依者三十餘年姚之迪妻許氏廬江人監生姚廷高母年十八歸姚數月而夫亡啗指自矢遺腹生廷高奉孀姑育弱息一節靡他年七十六歲

李國村妻郭氏廬江人夫故氏年二十四遺子述文長娶媳蔣氏生子旬目又卒蔣年甫二十一門雙嫠後皆臻老壽劉自美妻朱氏廬江人歸自美六月而夫亡撫遺腹子至成立而子與媳又俱亡煢煢撫孤孫以待老卒年六十三張楚生妻談氏廬江人年十九而寡守節六十餘年卒

萬鍾靈妻梁氏廬江人萬死一子復殤氏矢死守節當事給

額旌之

生員姚體國妻張氏廬江人年二十而寡守節終身

夏宏圖妻盛氏廬江人夫死氏年二十一剝面蓬頭堅操自矢

王恆妻郭氏廬江人年二十五氏矢節撫遺腹子鉅成立游庠序有聲邑令李衍芳旌之

朱成妻沈氏廬江人年二十四夫亡撫遺腹子本永矢節終身

生員唐績燦妻邢氏廬江人年二十有二夫死長子榮妻亦邢氏二十三而榮沒一門雙嫠冰蘖共矢族里無閒言

生員孔傳治妻方氏廬江人歸孔四載夫卒截髮屏飾孝養

孀姑喪葬俱盡禮苦守三十餘年

李昇妻王氏廬江人歸李七年夫死矢志不二

王國彥妻李氏廬江人夫亡遺二子氏年二十矢志守貞二孤相繼歿氏志愈堅王氏五世同居家及千指氏操井臼苦勵三十餘年人稱義門節婦邑令旌之

生員畢穀妻夏氏廬江人穀早死氏苦節三十餘年教子成立

生員王錫極妻曹氏廬江人夫故氏年十九終身苦節

胡杰生妻洪氏廬江人夫遠出三十餘年音耗絕無家極貧針工自給孀姑孀叔皆賴其養育姑死居喪盡禮其後叔夫婦又相繼歿撫其七歲遺孤艱辛無悔知縣盧均天旌

之

賈正賢妻楊氏廬江人夫卒氏年二十二矢志守節年五十四卒

施明甫妻沈氏廬江人廿七歲夫亡翦髮自誓年至八十四徐允臣妻夏氏廬江人年廿二夫死矢志守節年至六十八何雲來妻陳氏廬江人年二十夫死苦節至五十三歲

李公調妻何氏廬江人年二十五夫死撫一子一女子死又撫幼孫至六十六歲卒

張兆榮妻章氏廬江人二十四歲夫死苦節三十餘年

楊爾容妻王氏廬江人年二十三夫死矢志撫孤成立壽至六十四

周文佳妻霍氏廬江人年二十二夫死矢節五十餘年

莫軼羣妻時氏廬江人年二十七夫死矢節撫孤後子卒同
媳宋氏撫育幼孫教以儒業至七十四歲卒

生員陳龍妻張氏廬江人年十九而寡孝事兩代翁姑庭無
閒言苦節四十二年卒

張正我妻許氏廬江人年二十夫死矢節至七十八歲卒

張達泉繼妻高氏廬江人年二十九夫死守志四十餘年達
泉女適唐次高亦以節著

徐公山妻張氏廬江人年二十一夫死撫遺腹子守志四十
餘年

生員曹繼彬妻丁氏廬江人年二十一而孀矢志不二年至

八十餘

張裕兩妻吳氏廬江人歸張踰年而寡守節至五十二歲卒
崔芝妻陳氏廬江人夫死氏年二十四撫孤汝霖成立入邑
庠卒年六十一

黃延壽妻范氏廬江人少時母病以刲股間後夫病亦然及
延壽死無子矢節邑令何洪先旌之

薛衡在妻高氏廬江人夫死氏年二十撫遺腹子萬善守節
二十六年而卒

生員朱天錫妻張氏廬江人事舅姑以孝稱年二十六夫死
無嗣苦節自矢年至七十

朱吉甫妻張氏廬江人年廿二夫死斷髮自誓八十三歲卒

生員徐綸妻李氏廬江人二十五歲夫死苦節四十餘年

盧屏乘妻曾氏廬江人年十九夫死無子守節年五十二卒
朱爾集妻劉氏廬江人年十九夫故撫孤守節善事翁姑邑
令旌之卒年六十三

余伯寅妻潘氏廬江人年二十五夫死苦節三十一年卒

姜尙週妻許氏廬江人年十九夫死家人欲奪其志氏翦髮
毀容家人不給衣食以苦之氏攜子行乞以餬口卒年七
十二

盧之矩妻朱氏廬江人年二十五夫死守節卒年七十五

姚夫有妻束氏廬江人年二十一夫故守節至五十五歲卒
張維翰妻章氏廬江人年二十二夫死子繼雲復歿氏苦守

至五十八歲卒

李自玉妻毛氏廬江人夫故時年二十守節至六十五歲卒
陳右妻顧氏廬江人年十九歲夫故守節二十一年卒

潘子華妻王氏廬江人年二十四夫故守節至七十四歲卒
宛永一妻許氏廬江人二十一歲夫故守節至四十四歲卒
楊敦三妻張氏廬江人年二十六夫死撫孤守節鄉里無閒

言

蔣九有妻王氏廬江人十九歲守節卒年六十八

生員丁恆妻姚氏廬江人二十七歲守節至五十歲卒

王相炯妻劉氏廬江人年二十一夫死苦節三十年卒

孫維城妻劉氏廬江人二十四歲夫死守節子光湛亦早故

氏焚毀待老媳張氏亦以節著

盧生陳恕最妻吳氏廬江人年十九歸恕最時恕最已臥病氏侍湯藥衣不解帶踰月夫死事孀姑撫嗣子守節十一年卒

生員夏元政生母葉氏廬江人年十九歲夫亡守節至七十歲卒

生員徐珩妻趙氏廬江人夫死無嗣截髮自誓八十三歲卒
葉子茂妻芮氏廬江人夫死氏年二十守節恆佩刀自衛節操凜然

丁源琥妻朱氏廬江人二十三歲而寡甘貧守節四十餘年生員嚴巖妻夏氏廬江人年二十夫死苦節四十年

徐紹進妻莫氏廬江人二十二歲夫死守節年至八十餘

高勝九妻吳氏廬江人夫死矢節四十餘年

周某妻許氏廬江人年二十四而寡守節數十年言笑不苟
事姑嫜尤盡孝

周某妻朱氏廬江人二十一歲夫死遺孤一皆甫八月矢志
堅守事姑盡禮撫子成立

周某妻許氏廬江人二十歲孀居守志

高汝南妻楊氏廬江人夫死苦節五十年

羅仲如妻朱氏廬江人仲如早死氏撫遺腹子苦節數十年
生員張楠妻徐氏廬江人年十九歲夫死矢節

郭伯禦妻張氏廬江人年十九夫死無子女矢志守節

董正維妻鄭氏廬江人年十九夫死守節

任世洪妻方氏廬江人年二十夫死守節

魯德言妻胡氏廬江人十九歲夫死守節

王天玉妻唐氏廬江人十八歲夫死守節

許仲林妻張氏廬江人年二十夫死守節

張應侯妻楊氏廬江人十七歲夫死守節

盧元崧妻劉氏廬江人二十一歲夫死守節奉舅姑盡孝教

子成立

劉文斌妻朱氏廬江人年二十二守節

李儀介妻徐氏廬江人夫死守節

劉百偏妻何氏廬江人年二十四守節

王爾見妻朱氏廬江人年二十三守節

周文玉妻方氏廬江人二十五歲守節子以武亦早歿媳姬氏堅守足不踰閭一方稱之

許蔚妻黃氏廬江人夫死時氏年二十七苦節以終

吳公玉妻鮑氏廬江人二十九歲守節撫子得文得雲年五十九歲

孔君成妻張氏廬江人二十七歲撫子秀章楚章守節六十七歲

沈公漢妻張氏廬江人二十七歲夫亡撫孤岐山苦守母慈子孝氏年六十六

張伊侯妻朱氏廬江人夫故氏年二十四而寡無子矢志守

節立姪典文爲嗣女工自贍年七十一

黃履中妻程氏徽民寄居廬邑羅家埠二十四歲而寡生一女家無田產亦無餘資女工度日苦節二十六年

李鳳詔妻宛氏廬江人夫故氏年二十六撫一女自守苦節四十年邑令旌之

夏儼妻周氏廬江人二十四歲夫故遺腹生一女以姪爲嗣性端慤寡言笑教子女有法苦節二十五年而卒

柯友士妻李氏廬江人年二十一而寡養姑撫子飢寒苦節歷四十年

生員王嗣旦妻朱氏廬江人工部主事鳳鼎家媳事姑以孝聞夫故時年二十七遺孤六歲課讀有成守節四十四年

張道任妻胡氏廬江人年二十四而寡子禮言甫週歲紡績撫育孝事翁姑足不出戶苦節三十一年

何芝先妻許氏廬江人二十三歲而寡守節二十九年雍正九年請旌

邢堯士妻金氏廬江人二十四歲夫故撫子湛斯守節六十歲

李庶咸妻陳氏廬江人二十一歲夫死撫子文彬守節貞操潔白鄉里稱之

蘇芝岳妻程氏廬江人夫故時年二十四矢志撫孤自守飢寒忍受貞潔靡他苦節四十二年

薛口葵妻徐氏廬江人年二十一而寡持家有法教子有方

董燕侯妻邢氏廬江人年二十一守節立姪承宗爲嗣父母
欲奪其志翦髮斷指以死自矢邑令旌之

許愷仁妻鄭氏廬江人年二十三夫故撫訓二子一剃一讀
長子名席儒

邢總伯妻金氏廬江人二十七歲夫卒撫二子合紀統紀課
之讀書

楊日書妻吳氏廬江人十九歲而寡一子甫八月矢志撫孤
後娶媳金氏生二孫其子二十五歲又卒幼孫孀媳焚箕
孤苦鄉里悲之

生員高雲魁妻趙氏廬江人年二十八夫故無子以姪含章
爲嗣節操可風

徐善長妻王氏廬江人二十二歲守節撫遺腹子方策又故撫幼孫家極貧四鄰其稱苦節

程容之妻范氏廬江人夫早逝氏年二十二矢志守貞撫一子字君信樂善好施黃泥河石街獨力修造鎮人爲之立碑子姓蕃衍

程周其妻黃氏廬江人廿八歲夫亡撫三月遺孤守志陳紹尊妻王氏廬江人二十四歲夫死撫子秉越守節金石佑妻胡氏廬江人二十三歲撫一子守節

劉若琥妻夏氏廬江人廿八歲夫故生子未匝月教育成立奉孀姑盡孝

盧之俊妻夏氏廬江人事孀姑李氏以孝聞年二十五夫故

守節撫孤不窺戶外課子世璋等讀書慈嚴竝用歷三十七年貞操不改

劉若璋妻汪氏廬江人廿六歲夫病刲股療之不起守節奉姑盡孝

陶玉甫妻余氏廬江人二十六歲撫子守節

周永緒妻許氏廬江人二十六歲守節撫子成立

劉巍妻蔡氏廬江人二十二歲守節撫三子俱成立

傅坤六妻陳氏廬江人二十二歲夫故守節撫孤

陳惟從妻孫氏廬江人二十六歲守節撫二子延師督課聞

門嚴肅內外無閑言年七十邑令旌之

夏尊三妻王氏廬江人二十五歲而寡撫週歲孤家貧紡績

自給

時萬鏞妻朱氏廬江人年二十夫故親井曰躬紡績姑與翁
牀褥三年醫藥供奉懃懃弗懈課子向學若嚴父然年六
十

生員王鳳熙妻計氏廬江人二十九歲守節年七十九子導
早卒媳吳氏方二十一歲生子未滿百日姑媳苦節相依
撫導子偉士讀書成立

任惟度妻高氏廬江人二十七歲守節

秦舜有妻劉氏廬江人二十六歲夫死撫子守節子死撫二
孫女熒熒待老

秦遐升妻盧氏廬江人二十七歲夫故紡績撫孤苦節四十

一年

生員宋元徽妻嚴氏廬江人二十七歲夫故密藏利刃將自殺姑覺力止之日夕紡績仰事俯育備嘗艱苦姑嘗病刺臂血和藥飲之遂愈子嗣琮復歿媳朱氏亦少寡守志

朱晉申妻張氏廬江人二十八歲守節撫子成立

陳可盛妻范氏廬江人夫故時年二十八一子甫七月紡績養姑教子成立

楊亮中妻談氏廬江人年二十八守節

張宐仁妻柳氏廬江人二十九歲撫子肇東守節

徐文聚妻張氏廬江人二十九歲夫故孀姑年五十子甫週歲借居族叔家灌園績習以爲養三十餘載矢貞孝養如

一日焉

余在璇妻沈氏廬江人二十一歲撫孤永楨守節

張文元妻朱氏廬江人廿八歲守節

余天略妻張氏廬江人二十四歲夫亡遺兩子一女無何兩子俱殞以姪爲嗣復殤與弱孫相依苦節四十六年

生員許簡妻汪氏廬江人夫故氏年二十七撫孤應元甫成立又歿撫孤孫其瞻應元妻孫氏亦苦守相依撫繼室子如已

丁實妻朱氏廬江人夫亡年二十三歲立姪煜爲嗣煜歿復嗣煜弟灼辛勤課讀有聲膠庠

許西伯妻盧氏廬江人二十三歲夫亡遺一女誓死不二歷

三十年

生員王鳳妻姚氏廬江人前秀水令姚世杰孫女也十八于歸越七載而鳳歿事翁姑盡孝撫遺腹子啟運業儒苦節四十餘年

錢守國妻宋氏廬江人夫歿時年十九撫未週子可勳以紡績自給歷三十餘年

陳廷鵬妻汪氏廬江人年二十一而孀撫兩子矢節備歷艱辛

馬德妻張氏廬江人十八于歸甫三月而夫歿足不踰閭矢志四十餘年

生員陳長禔妻李氏廬江人二十五歲夫故立姪如宏爲子

苦節自守

金棟材妻葉氏廬江人二十七歲夫亡子歿矢死守貞爲舅姑營葬苦節三十六年

楊茂先妻趙氏廬江人二十三歲而寡奉姑鞠子備極艱辛後子又故媳段氏年二十守志亦堅

宛舒谿妻朱氏廬江人二十五歲夫亡絕粒誓死或勸之曰死易立孤難耳乃復進食撫三歲孤光華成立歷節三十二年

生員王嗣裕妻姚氏廬江人年二十九生子昌曾甫三月而夫故甘貧守志後昌曾又故撫遺腹一孫

徐泗泗妻嚴氏廬江人廿歲夫亡家徒四壁撫一子辛勤紡

績以供衣食人皆憐其苦節

周芳永妻嚴氏廬江人貢生國安之媳十八而寡立從姪崇
築爲嗣邑令旌之

徐念翰妻朱氏廬江人二十一歲夫亡一子復歿立志守節
矢死不移

貢生許旭齡妻周氏廬江人候補主事祝年之媳二十九歲
而寡子紹武貢生

生負王祈年側室劉氏廬江人祈年卒氏無所出矢志守貞
自甘淡泊獨與祈年孀媳相依苦節四十餘年里黨無異
議與正室呂氏稱雙節云

夏勳甫妻方氏廬江人二十八歲夫亡矢節堅守卒年八十

夏子才妻金氏廬江人二十而寡撫子揆允成立歷節五十餘年

金仲常妻解氏廬江人二十八歲夫死家無半畝紡織自贍苦守清白撫二子成立

許自銳妻孟氏廬江人二十六歲夫故事孀姑撫穉子苦節五十餘年

州同許策妻宋氏廬江人事姑嫜以孝稱年十六夫歿撫子應昂成立勵志堅貞名載江南閩儀錄中五十二歲卒

張志達妻黃氏廬江人年二十九而寡家甚貧姑老子希漢甫五歲母弟將改嫁之氏以死自誓苦節奉姑以孝聞縣令給匾額獎之

霍勣若妻胡氏廬江人夫故氏年二十四苦節六十餘年

張希淑妻夏氏廬江人廿五歲而夫故撫子通忱通惻俱成立孝奉翁姑矢志守貞

錢居仁妻章氏廬江人廿二歲夫歿撫子鳳書玉書成立矢志苦守四十餘年

黃甲妻莫氏廬江人二十九歲而寡撫子清河成立家甚貧苦節自守

程光圻妻葉氏廬江人二十五歲夫死撫子聖鍾聖鑾苦節守貞鄉里稱之

黎志美妻劉氏廬江人年二十一夫亡剪髮剃面苦節三十九年雍正三年請旌

儲童徐愈宏妻夏氏廬江人年二十六夫亡奉舅姑育孤子
守節五十一年雍正八年請旌

許士侯妻張氏廬江人年二十六夫亡撫子守節三十五年
雍正九年請旌

丁宸妻徐氏廬江人年二十七夫亡家極貧矢志守節五十
七年乾隆三十七年請旌

生員何寅先妻張氏廬江人年二十二夫亡無子立姪山爲
嗣晝鋤夜績苦節四十餘年雍正十年請旌

夏業贊妻徐氏廬江人年二十八歲雍正八年請旌

張傑妻楊氏廬江人年二十八夫亡守節乾隆十二年請旌

以上廬江縣志